


D E
POPLITIS ANEURISMATE
DISSERTATIO
MEDICO-PHYSICO-CHEIRURGICA

AUCTORE
MICHAELE ANGELO GRIMIO
PHYLOSOPHIAE AC MEDICINAE IN ALMA PISANA
ACADEMIA

DOCTORE
NEC NON ANATOMES AC MEDICINAE CHEIRURGICAE IN GYMNASIO
SACRAE RELIGIONIS HIEROSOLYMITANAE PRIMARIO
PROFESSORE.



LONDINI MDCCLXXIII.

*In Medicina etiam ubi perpetuum est, quod fieri debet,
non tamen perpetuum est id, quod sequi convenit.*

A. C. CELSI Lib. VIII.

PRAESTANTISSIMO AC NOBILISSIMO VIRO
E. BERNARDINO HIPOLITO
DE MARBOEUF
XENODOCHII HIEROSOLYMITANI MAGNO
EQUITI.

S. P. D.

MICHAEL ANGELUS GRIMIUS.

LIBRI Illustrum Virorum sub nomine alicujus
Praemecenatis sive ob nobilium Avorum pro-
geniem, sive ob singulares virtutes, sive ob dignitates
in lucem edi solent. Et quoniam propter ortum, inge-
nii acumen in sublimiores dignitates erectus es, &
prae-

praecipue in illam MAGNI EQUITIS XENODOCHII
hujusce Sacrae Familiae Hierosolymitanae, hanc Differen-
tiationem sub tanta tua tutela publicare decere existi-
mavi. Qua de re siquid minus concinnum ornatumque
invenies, quaeso ut mihi ignoscas. V.

Datum Melitae Kalendis Martii MDCCLXXIII.

MICHAELIS ANGELI GRIMII
 DE POPLITIS ANEURISMATE
 DISSERTATIO
 MEDICO-PHYSICO-CHEIRURGICA

§. I.

Poplitis Arteriam situ, & partibus, quae eam circumstant, fieri posse Aneurismaticam perdifficile, atque incredibile videtur. Quia de re nullam fieri mentionem, quod sciam, nisi unam tantummodo observationem apud HENRICUM A MOINICHEN, (a) & nuperime aliquas alias apud JOHANNEM BAPTISTAM MORGAGNIUM omnium Anatomicorum Principem (b) viderim. Cum vero tum in Florentino Sanctae Mariae Novae Nosocomio, tum alibi alias animadverterim bene multos hac morbi specie laborasse. De eadem perbreve tractationem instituere, visum mihi est. In quatuor igitur sectiones dissertatio haec deducta erit; ut una esset quomodo enascatur; altera aget de divisione, causis, ac differentiis; tertia de phaenomenis, atque effectibus, & consequentibus; quarta, & ultima de ejus curatione: & ad eas protinus veniam.

Quo-

(a) Vide observationes medicas virorum CI. MICHAELIS LYSERI HENRICI a Moinichen, MARTINI BOGDANI, JACOBI SIDELLIS e Museo TH. BARTOLINI edit. Afniae.

(b) De sedibus & causis morborum per Anatomem indagatis Epist. Anatomico-Medica L. p. 267. & plures alias T. II. edit. Venet.

QUOMODO POPLITIS ANEURISMA ENASCATUR

SECTIO PRIMA

§. II.

QUAMVIS Arteria a tergo cavitate ejus ossea & a latere Femoris condilis, Tendinibusque musculorum Tibiae Flexorum & a fronte Vena, quae idem nomen habet, & Nervo, qui praest, circumdatur: Nihilominus tamen ejus Aneurisma enascitur, multoque magis fit amplum quam illud caeterarum arteriarum, quae renixum non habent; ut soepius ipse ego expertus sum.

§. III.

Aneurisma autem hujusce Arteriae in relaxatione aliqua sacciforme, seu herniosa unius vel plurium Tunicarum, ex quibus constat Arteria, consistit; habetque initium a parvo tumore, qui sensim increfcit, proportione vero increfcente, & ex intervallo, quod inter femoris condilum, venam & nervum est, prominet; quo autem ab ejus situ distat, vena Poplitea confedit, & paulatim locum Arteriae accipit, & Nervus pariter illum venae, & Arteria Aneurismatica ejus locum occupat, totamque vel partem Popliteae cavitatis implet.

§. IV.

Id tandem, dum instituebatur operatio Aneurismatis Poplitis JOSEPHI BORGHI Domo Florentiae, aliorumque in Sanctae Mariae Novae Nosocomio Anno MDCCCL., haud obscure animadverti. Verumtamen qui funditus in rerum anatomicarum cognitione est versatus, tantis observationibus minime indiget, quia satis clarum est, quod cruralis arteria ei appropinquetur paulo supra condilum femoris internam, aliquantisper flectitur:

&

& postea Poplitea in cavitate ad perpendicularum descendit & ad internum Femoris condilum protendit, ut revera si ligata, & obstricta erit ejus extremitas inferior, sectione aperta ejus basim versus, & infusione alicujus liquoris vehementer impulsam in ejus cavitate, inspicitur ejus diametrum dilatari internum condilum versus & vena, quae supra est, ad extremum femoris condilum paulum vergit. Si talis immutatio non fieret, profecto nunquam dari Poplitis Arteriae Aneurisma posset.

§. V.

Ex hac Anatomies observatione deduci etiam formatio, atque situs insigniorum ramorum hujusce Arteriae, & immutatio potest: ut vero mente ejus naturam concipiamus, optimumque judicium faciamus, illa auxilia, quae juxta morbinaturam conveniunt, nec non loci quem tenet, atque partium, quae eum circumstant, praestemus.

§. VI.

Quamobrem id porrigitur & ita amplum fit, ut nasci videtur, ex immutatione situs partium, quae hac in cavitate sunt, & praecipue ex nervi compressione Aneurismatis extremitates versus; nihilofecius sanguis ejus impetu superioris compressionem extremitatis superat, & per cavitatem tumoris Aneurismatici profluit; sed aliquid impedimentum non parvum altera offert extremitas. Qua propter fibras jam relaxatas, ex quibus arteriae tunicae constant, impellit, adeo ut ab eorum axi magis magisque absit, & ad modum hunc Aneurisma Arteriae Popliteae, & eorum ramorum fiat.

S E C T I O A L T E R A

§. VII.

Aneurisma hoc distinguitur in verum, spurium, & compositum, mixtum vel complicatum. Verum tantummodo illud est, quod in relaxatione aliqua unius, vel plurium Tunicarum Arteriae Popliteae ratione sacci vel herniae (ut in sectione prima §. III dictum est) consistit. Spurium autem, nihil est nisi veri consequens, quotiesquaque nimirum Tunicarum arteriae fibrae valde sunt extensae, & ab eorum axi remotae disrumpuntur, & sanguis extra Arteriam effunditur in odiposum panniculum: & tumor ingens fit, & ejus compressione cutem abruptionis efficit, ex quo Haemorrhagia evenit: ut praedictus HENRICUS a MOINICHEN narrat; sed non descripsit, si Aneurisma istud in ejus Trunco vel potius in ramis fuerit. Mixtum tandem seu complicatum, cum adsit ossium illius partis caries; illius cellularis membranae abscessus, & illius venae varix, dicitur.

§. VIII.

Causae, quae hanc gignunt morbi speciem, sunt. (1) Nimia laxitas, seu atonia in fibris quibusdam Arteriae. (2) Earum disruptio ex interna, ac latente causa genita, vel ex perspicua, atque externa; quamvis hoc in loco difficultas aliqua occurrit. (3) Unam ex praecipuis Aneurismatis causis esse inflammationem illius cellularis substantiae interpositae, quae non solum inter arteriarum Tunicas adest, sed & earum fibras, existimo. Et id negari ab iis, qui minutim Anatomiae periti, ac eruditi sunt, non potest. (4) Specialis vero hujusce Aneurismatis causa est, genuum levis submissio; tunc enim sanguis, qui magna vi praefluit, in ejus angulum impellit, & quia illinc non nihil renixus est, fibrae, ex quibus Arteriae Tunicae constant, ab earum axi distant, dein Tunicae relaxantur, & formatur Poplitis

ris Aneurisma: ut in sectione prima §. iii. indicatum est. (5)
Mala ejusdem Tunicarum conformatio, atque irregularis stru-
ctura. (6) Sanguinis fervor.

§. IX.

Ratio potissima, cur plus in *Italia* quam in caeteris regio-
nibus transalpinis Aneurismata fiunt, ut mihi quidem videtur,
est calida *Zona*: nec non quia Itali valde generosissimo vino,
ac firmissimis liquoribus utuntur: Quapropter Sanguis praeter-
fluens in vasorum parietes impellit, & hi tantis impulsibus non
resistunt: ideo plus aequo relaxantur, & procreant morbum
hunc, qui univrsim in Medicinae Cheirurgicae Gymnasiis ap-
pellatur Aneurisma.

§. X.

Poplitis Aneurisma animadverti in iis, qui Aurigae, Na-
vitae, Viridarii custodis artem exercent, & in reliquis omnibus,
qui artes fordidiore profitentur, & praesertim in iis, qui geni-
bus submissis assidue insistent, huic morbi speciei subjecti sunt.

§. XI.

Ad Prognosin, & indicationem curativam formandam di-
stingui Aneurisma hoc operae praetium est (1) in magnitudi-
nem, ut observatum est, magnam, mediocrem, parvam, (2) in
figuram aliam oblongam, aliam orbiculatam, (3) in situm mo-
do in superiorem cavitatis Popliteae partem, modo in mediam,
modo in inferiorem tantum & modo in totam praedictae ca-
vitatibus extensionem, (4) in causas: ut supra in §. viii. dictum
est, (5) in species, aliud est enim Aneurisma verum, aliud spu-
rium, aliud mixtum vel complicatum, (6) in effectus, (7) in
indicationem, (8) in methodum, (9) in auxilia.

DE POPLITIS ANEURISMATIS EFFECTIBUS, SEU PHENOMENIS
SIGNIS DIAGNOSTICIS ATQUE PROGNOSTICIS

S E C T I O T E R T I A

§. XII.

INstantis autem Poplitis Aneurismatis phoenomena, & signa complura sunt. In quibus explicandis non dubitabo Anatomes praeceptis, Medicinae-Chirurgicaeque Cl. Virorum observationibus uti. Tibiae in primis flexio propter nimiam voluminis tumoris compressionem fieri nequit. Obstructio illorum ramorum, qui a trunco Arteriae discedunt, producit inflammationem, atque suppurationem, & cariem cunctarum partium solidarum propin quarum: ut in Nosocomio Sanctae Mariae Novae Anno MDCXLIX. in NICOLAI PISTULIC naviculari Domo Epidauri Aneurismate observatum fuit. Deinde *Haemorrhogia*, *Enchimosi*s, *Tumefactio*, *Oedema*, & interdum Tibiae *Paralysi*s atque convulsiones sequuntur.

§. XIII.

Signa hujusce Aneurismatis Diagnostica sunt, (1) intumescencia sensim increfcens, circumscripta, interdum orbiculata, interdum oblonga, vel ovata (2) color cuti similis, (3) Pulsatio continua (4) mollis, & laxa, quae digitorum pressioni plerumque cedit, adeo ut etiam omnino dispareat, & facile redeat: major vero nec digitis facile cedit, nec pulsu considerabili gaudet, at strepitus heic observari quasi bullientis aquae videtur: ut ab AMBROSIO PAREO (c) PAULO BARBETTA (d), & aliis observatum & notatum fuit. ANTONIUS BENEVOLVS (e)
Prae-

(c) De Tumoribus contra naturam in genere Lib. VI. De Aneurismate Cap. XXVIII. p. 229. edit. Lutetiae Par. lat. fact. JACOBO GUILLEMEAU Regio & Parisiensis Medico-Chirurgo interprete.

(d) Cap. XVI. De Aneurismate p. 157. edit. Lugd. Batav.

(e) Osservazione XI. Aneurisma sopra il Ginocchio, colla perdita della pulsazione p. 18. fino alla p. 122. ediz. di Firenze.

Præceptor meus Celeberrimus in earum observationibus Medico-Cheirurgicis in interna cruris dexteræ parte, quatuor fere digitos supra genu DOMINICI MARTELLI Domo Florentiæ Anno MDCCXLI. Aneurisma sine ullo pulsu vidisse, narrat, & italico sermone cur pulsu deficit, eleganter exponit. Non ita multum Professor Florentinus hujusce facultatis quidam loco tumoris purulenti aperuit Aneurisma in mulieris Poplite, quæ ex hæmorrhagia periit. Ergo pulsatio certissimum Aneurismatis signum semper non est: ut a FEDERICO RUSCHIO (f) etiam notatum fuit. Etiam si omnia hæc signa a me observata fuerint, non semper uniyoca, vel patognomica sunt: sed sæpius fallacia. Spurium tandem Aneurisma ex tumoris volumine, atque hæmorrhagia satis distinguitur.

§. XIV.

Prognosis tandem hujusce peculiaris Tumoris tam difficilis, ut a vulgaribus, ac rudibus Professoribus opinatur, non est. Itaque si sit *Aneurisma* verum in arteriæ Popliteæ trunco incipiens, vel mediocre, vel parvæ molis, curationem promittit; adeoque sola membri amputatio ad vitam conservandam superest, postea si id in ejus ramis sit, semper curatu facilius ac tutius: ut proxima in sectione clare, exacteque exponam.

DE POPLITIS ANEURISMATIS CURATIONE

SECTIO QUARTA, ET ULTIMA

§. XV.

Itaque cognita vera natura, atque essentia, nec non perferuntis causis, differentiis, ac indiciis Poplitis Aneurismatis superioribus in sectionibus, ad ejus curationem transeundum censeo. Curatoriae autem indicationes, quæ ad hunc morbum pertinent duæ sunt: idest ejus ut saccus evanescat, vel penitus demoliatur. Auxilia, quæ suppeditat Medicina Cheirurgica, ad
fani-

B 2

(f) Observ. 38. p. mihi.

sanitatem recipiendam, sunt (1) *Dieta* sive *Abstinentia* (2) *Phlebotomia*, (3) *Compressio*, (4) *Arteriae Vinctura*, (5) *Amputatio*.

§. XVI.

Jam inde a principio hujus Aneurismatis curatio institui debet, quam CL. ANTONIUS VALSALVA instituire solebat, nimirum sanguine saepius misso, & tenuissimo dein victu Aneurismata curare „ Sic curati „ in Arteria Poplitis „ ut praedictus BENEVOLUS (g) exemplum in ipsius VALSALVAE Musaeo vidisse testatur, ex homine qui post eam curationem morbo alio confectus fuerat. Id etiam ab antea laudato MORGAGNIO (h) dictum est. Et si haec curatio iterum, ac tertia felices habuit exitus, non omnibus adscribi, videtur; quia temperamenta, & Corporum habitus in hominibus consimiles non sunt: ideoque ad alia auxilia recurrandum est.

§. XVII.

Compressio autem, per splenia, laminas, & fascias in Poplitis Aneurismate nullum habet locum, cujus causa partes superpositae, subjectaeque valde comprimuntur, & illa phaenomena oriuntur, quae in sectione tertia §. XII. indicavi. Enim vero haec in illo trunco convenire tantummodo potest, tum cum id inceptum est, per illa sustentacula, quae a celeberrimo LAURENTIO HEISTERO (i) delineata sunt; sed ejus cochlea instar olivae figurae esse debet, ita ut aptari possit in illo intervallo quod inter Nervum Popliteum, internumque Femoris condilum est. Illa quidem compressione per PETITI (j) Torcularis admotionem in inferiori cruris parte supra arteriam instituta, cum Sanguis irrumpat, & sacci Aneurismatici dilatationem augeat, ideo relinquenda profus est.

Si

(g) L. c. p. mihi.

(h) L. c. p. mihi ibidem.

(i) Institutiones Chirurgicae P. II. Sect. I. Cap. XIX. p. 450. Tab. XI. fig. 3. c. 9. Tom. I. edit. Amstelandi.

(j) L. c. p. 222. Tab. VI. fig. Ejusdem edit.

§. XVIII.

Si vero his auxiliis Saccus Aneurismaticus non adducatur, ad Arteriae tamen vincituram veniendum est. Ea hoc modo fit. Imprimis cum Turculari cruris arteria comprimenda est, ut hac in Sectione §. xvii. scripsi. Dein percindenda, secundum sacci longitudinem, tegumenta, donec bene detegatur saccus: & tunc in superiori ac inferiori sacci aneurismatici parte arteria est intercipienda acu cum filo duplici: cavendum ne acus acutam aciem habeat, vel simul intercipiatur nervus & vena, adeo ut *Aneurisma* inter has deligationes sit interceptum. Quidam ex auctoribus alteram hanc deligationem necessariam non existimant; alii vero utramque deligendam esse partem, autumant, quia ille ramus cum aliis anastomoses facit, arteria carente valvula. Ergo ex parte inferiori haemorrhagiam facere potest. Confecta jam operatione hac minuenda est Torcularis pressio, ut observetur, si firma est deligatio, & redeat in partem pulsus. Fila, quibus capita eorum continebuntur, extra plagae angulos dependere debebunt, quae pure orto sine ullo dolore excident, parsque tandem munienda linamentis siccis, spleniis, & fasciis aptis.

§. XIX.

Talis autem operatio Aneurismatis vero vel spurio ramorum ipsius Arteriae valde convenit, e nunquam illi ejusdem Trunci: ut PETRUS KAYSERUS, & FRANCISCUS PIERRATTUS, qui aliquam inconsiderate habuerunt operationem, quae bene, prospereque successit, volunt: & id Anatome, ac Physiologice probatur. Ad deligationem Trunci faciendam, vasa finitima, ut detegatur saccus, incidere oportet. Ideo ob id pars inferior nutrimentum non sumit. Ergo in *Gangrenam* & *Sphacelum* evadat, necesse est; idque exemplis confirmatum. (1) In *Sanctae Mariae Novae* Nosocomio a VALENTINO DEL TURCO atque NATALI CARLONIO quodam in Epidaurum hanc Poplitis operationem hisce oculis egomet vidi. Sub Vespera

pera Tibia intumuit, lividaque facta fuit: die tertio ipse convulsus & vita discessit. Facta igitur Poplitis Sectione in superiori trunci parte una cum nervo & vena intercepta vincturam invenimus. (2) Eundem VALENTINUM CI. BENEVOLO praesente consimilem instituisse operationem in JOSEPHO BORGGO ut in Sectione prima §. iv. indicatum est, etiam vidi. Febris ardentissima, & delirium operationi statim supervenerunt: Die pariter tertia pars tumefacta & livida cum hydatidibus apparuit: iv. idus Septembris Anno vertente omnia symptomata mitigata sunt: & *Gangrena*, ac *Sphacelus* operationem secuta sunt, ita ut *Tibia* propter id disjuncta fuit a Femore, quod praedistantia sublimitatis quatuor fere digitos e carnibus detectum superfuit; & xvi. Kal. Octobris in maxilla inferiori convulsiones apparuerunt, atque vitam mortalem cum immortali commutavit. Ex his duobus casibus, & pluribus aliis a me observatis, quos brevitatis gratia praetermitto, inferre licet, vincturam Trunci Arteriae alienam esse: sed solam cruris *Amputationem* adhibendam.

§. XX.

Sunt quidam ex professoribus, qui, vincturam Trunci ejusdem arteriae institui etiam debere, intendunt; si vero inferior pars in *Gangrenam* evadere minetur, tum cruris confestim amputatio fieri oportet. Hoc modo in Sanctae MARIAE NOVAE Nosocomio praedictum Carlonum Celeberrimi ANGE-LI NANNONI ductu fecisse aurigae cuidam Romano, qui Aneurismate Trunci Arteriae laborabat, & eodem die obiit, memini, & scio. In Pistorii Nosocomio idem fecit FRANCISCUS PIERATTUS: sed aegrotus convaluit, quia gracilioris Corporis habitu insignitus erat; ut idem ego observavi. Anno MDCCLXII. in eodem Nosocomio idem factum est homini cuidam quadragenario, qui satis concessit ut scriptum ad me fuit. Idcirco aequo animo duas hasce tam barbaras operationes ferre equidem nemo potest.

pera Tibia intumuit, lividaque facta fuit: die tertio ipse convulsus & vita discessit. Facta igitur Poplitis Sectione in superiori trunci parte una cum nervo & vena intercepisse vincturam invenimus. (2) Eundem VALENTINUM CI. BENEVOLO praesente consimilem instituisse operationem in JOSEPHO BORGIO ut in Sectione prima §. iv. indicatum est, etiam vidi. Febris ardentissima, & delirium operationi statim supervenerunt: Die pariter tertia pars tumefacta & livida cum hydatidibus apparuit: iv. idus Septembris Anno vertente omnia symptomata mitigata sunt: & *Gangrenae*, ac *Sphacellus* operationem secuta sunt, ita ut Tibia propter id disjuncta fuit a Femore, quod praedictantia sublimitatis quatuor fere digitos e carnibus detectum superfuit; & xvi. Kal. Octobris in maxilla inferiori convulsiones apparuerunt, atque vitam mortalem cum immortali commutavit. Ex his duobus casibus, & pluribus aliis a me observatis, quos brevitatis gratia praetermitto, inferre licet, vincturam Trunci Arteriae alienam esse: sed solam cruris *Amputationem* adhibendam.

§. XX.

Sunt quidam ex professoribus, qui, vincturam Trunci ejusdem arteriae institui etiam debere, intendunt; si vero inferior pars in *Gangrenam* evadere minetur, tum cruris confestim amputatio fieri oportet. Hoc modo in Sanctae MARIAE NOVAE Nosocomio praedictum Carlonum Celeberrimi ANGELI NANNONI ductu fecisse aurigae cuidam Romano, qui Aneurismate Trunci Arteriae laborabat, & eodem die obiit, memini, & scio. In Pistorii Nosocomio idem fecit FRANCISCUS PIERATTUS: sed aegrotus convaluit, quia gracilioris Corporis habitu insignitus erat; ut idem ego observavi. Anno MDCLXII. in eodem Nosocomio idem factum est homini cuidam quadragenario, qui satis concessit ut scriptum ad me fuit. Idcirco aequo animo duas haec tam barbaras operationes ferre equidem nemo potest.

§. XXI.

AMBROSIUS BELTRANDUS summus Regis Sardiniae Medicus Cheirurgus (k) quum de Aneurismate suo in Tractatu operationis Medico-Cheirurgicae differuisset, de illo Poplitis etiam in transitu leviter tractavit: & ejus verba haec sunt „ Si „ *Aneurisma verum magnae molis elate, ac profunde foret, dum „ incidatur multa vasa finitima jam conficientur: qua propter „ cruris amputationem institui melius esse, existimat* „ Ex hac ejus sententia in Anatomica Poplitis cognitione versatus non esse, neque hujusce Aneurismatis videtur: quia praedictus KAYSERUS, qui omnium primus Florentiae ad instituendas has operationes fuit, ut mihi narravit JOSEPHUS THEODORUS PALIOTTUS Medicus-Cheirurgus primarius Cohortis tormentorum bellicorum; hic quatuor ex suis operationibus Aneurismatum cum victura fecit: quarum una felicem non habuit exitum. PIERATTIO vero & LOKMANNIO operatio felicior cessit. Vidi quoque DOMINICUM MASOTTUM nostris temporibus unum ex celeberrimis professoribus empiricis, qui eam instituit, & ad opus absolvendum auxiliarem manum ei KAYSERUM praestare necessarium fuit, id prestitisse & aeger bene convaluit. Quapropter non in omnibus Poplitis Aneurismatibus cruris *Amputatio* convenit: ut audacter idem scripsit.

§. XXII.

Quemadmodum enim hi casus ad manus Professorum illiteratorum, ac Empiricorum fere acciderunt, qui, *Aneurisma* num in Trunco Arteriae, vel potius in ejus ramis fuisset, distinguere nesciverunt: & ii, qui etiam breviter ea de re scripserunt ejus delectum non tenuerunt; sed sub nomina tantum Aneurismatis Poplitis omnia complexa fuerunt; ita etiam ad immutabilia praecepta instituenda de hujus morbi curatione ip-
sius

(k) P. 212. Cap. XXI. dell'operazione dell'Aneurisma. Tomo II. Edizione di Nizza.

fius arteriae ordinem caute inspiciere operae praetium duco. Ergo ex dictis in §. xix. hujusce Sectionis in quolibet Trunci Arteriae Aneurismate cruris *Amputatio* juxta Methodum Cl. ANTONII LOUISI (1) institui debet: & si id fuerit in ejus ramis solam vincturam cum illa praecautioe quam monet FERRANDUS (m) instituere necesse est, & nihil addatur nisi implicitum fuisset. Haec tandem habui de Poplitis Aneurismate, quae dicerem. Non quaero, ut me turba miretur, satis est, litteratos viros (ut vos A. P.) plaudere.

(1) Mémoire sur la Saillie de l'os après l'Amputation des Membres. &c. p. 262. Mémoire de l'Académie Royal de Chirurgie Tome second edit. de Paris.

(m) Lettre a M. Vandermonde dans le Journal de Medecine, Fevrier 1760. p. 100. edit. de Paris.

DIXI.